

MEMORABILIS.
Et perinde stupenda de cru
DELI MOSCOVITARVM
Expeditione narratio, è Germanico
in Latinum conuersa.



DVACI.
Ex Typographia Iacobi Boscardi,
Typographi iurati Regiae
Maiestatis.

P. 1563.

577 1/2

MEMORABILIS ET PERINDE

stupenda de Moscouitarum expeditione

narratio, è Germanico in Latinum

conuersa.



Moscouitarum exercitus superioribus septimanis agrum Polonicū inuasit, & Polotzkj, alias Pleskj (Lituaniae oppidum, quod sedecim miliaribus à desertis situm est) validissima manu, sex incursionibus expugnauit, diripuit, & dimissis ignibus solo equauit: eoque loci supra viginti hominum milia, tristi admodum spectaculo primum demenbrari, ac post strangulari iussit. Nec vllis sanè verbis queat exprimi, quāta in Matronas, in Virgines, in Pueros, Tyrannide grassatus sit. E propinquis & vicinis inde locis sexaginta & amplius hominum milia in Moscouiam abduxit: Matronas & Virgines vestibus exuit, & omnes (vti nudæ, ac sine amictu erant) vinctas in captiuitatem abstraxit. Inter alios ve-

rò ducebatur & Lituanicæ militiæ Vvaynoda
seu dux exercitus, cum vxore, quibus hostis vi-
tam condonauerat.

Quæ res tam magnam toti illi Prouinciæ tre-
pidationem iniecit, vt Dominus Nicolaus
Radtziuit Lituanicæ Regulorum facile princeps
terris suis sponte excesserit, omnemque imperij
sui agrum, seu amicis seu hostibus prædæ reli-
querit.

Hic rerum successus hosti Barbaro & nimia
immanitate formidabili animos addidit.
Moxque Kioff alias in Polonia ciuitatem ag-
gredi festinauit. Quæ Ciuitas quia ad flumen
Borischenē sita & ad cōmeatum toti illi plagæ
subtrahendum, uisa est oportunissima, futurum
sperabat hostis, vt hac ratione facilè cætera om-
nia vicina & propinqua loca, perinde vt superi-
ore expeditione suæ potestatis sui que mancipij
faceret.

ITaque ante omnia ē sex millibus Tartarorum quos secum habebat quadringenta milia in deferta & solitudines præmisit qui omnia longè lateq; vsque ad ipsam Ciuitatem flamma & ferro vastarent. Ratus fore vt postquam hac calamitate totum eum agrum afflixisset in huius ciuitatis oppugnatione pari successu & fortuna qua hætenus vteretur.

Inter alia vero relatu tristissima, Moscouita Regi Poloniae ab se nunciari iussit, quòd ipse Capulum, quo mortui efferri solent, eumq; argenteum, cum Castris circumueheret, nec ante in gratiam cum eo redire constituisset, quàm aut ipsius Regis, aut suum proprium caput illi ferculo foret impositum.

EXercitus quo Moscouita in hac expeditione populatur (si vera est fama) est sexaginta de centorum milium, & amplius virorum.

DEus Opt. Max. hunc tam sæuū & crude-
lem hostem à nobis auertat, Et Principibus
in Sacro Romano imperio summa rerum
tenentibus bonam mentem, totique
Europæ consilia quæq; ad hanc
scelerum immanitatem
vindicandam &
ad has pe-
stes
propulsandas, salubria
sint immitat.

